



Broj: 03-11-7-700- 11 /20
Datum: 04.12.2020. godine

Na osnovu člana 64. stav (1) tačka b), člana 70. st. (1), (3) i (6) Zakona o javnim nabavkama ("Službeni glasnik BiH," broj 39/14) i Preporuke Komisije za javnu nabavku, broj: 03-11-7-700-10/20 od 04.12.2020. godine, u postupku javne nabavke roba - računarske opreme, direktor Agencije za državnu službu Federacije BiH, donosi

ODLUKU o dodjeli ugovora najpovoljnijem ponuđaču za nabavku računarske opreme

Član 1.

Prihvata se Preporuka Komisije za javnu nabavku robe – računarska oprema, broj: 03-11-7-700-10/20 od 04.12.2020. godine i Ugovor za javnu nabavku roba – računarska oprema, dodjeljuje se ponuđaču IMTEC d.o.o. Sarajevo, po Ponudi, broj: 3694/20-2 od 24.11.2020. godine, za ponuđenu cijenu od 6.990,00 KM bez PDV-a, odnosno, 8.178,30 KM sa PDV-om.

Član 2.

Prijedlog ugovora za javnu nabavku računarske opreme, dostavit će se na potpis izabranom ponuđaču.

Član 3.

Ova Odluka objavit će se na web-stranici ugovornog organa, www.adsfbih.gov.ba, istovremeno sa upućivanjem iste ponuđačima koji su sudjelovali u postupku javne nabavke, u skladu sa članom 70. stav 6. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke, broj: 03-11-7-700/20 od 13.11.2020. godine. Javna nabavka je pokrenuta putem Konkurentskog zahtjeva za dostavu ponuda.

Procijenjena vrijednost javne nabavke bez PDV-a, iznosi 8.200,00 KM.

Obavijest o nabavci, broj: 167-7-1-112-3-12/20 objavljena je na Portalu javnih nabavki, dana 17.11.2020. godine. Zahtjev za dostavu ponuda prosljeđen je na adrese tri ponuđača nakon slanja obavještenja na Portal javnih nabavki. Sa Portala Agencije za javne nabavka tendersku dokumentaciju preuzelo je 28 ponuđača.

Komisija za javnu nabavku kompjuterske opreme, imenovana Rješenjem direktora Agencije, broj: 03-11-7-700-1/20 od 13.11.2020 godine, izvršila je otvaranje, te pregled i ocjenu zaprimljenih ponuda prema zahtjevima i kriterijima iz tenderske dokumentacije.

U postupku javne nabavke utvrđeno je slijedeće:

- da je ukupan broj pristiglih ponuda 3 (tri);
- da su sve tri ponude blagovremeno zaprimljene;
- da nije bilo neblagovremenih ponuda;
- da su sve tri pristigle ponude prihvatljive;
- da nije bilo neprihvatljivih ponuda.

Komisija za javnu nabavku je, nakon provedene e-aukcije, a na osnovu kriterija "najniža cijena", dala Preporuku direktoru Agencije da se ugovor za javnu nabavku računarske opreme, dodijeli ponuđaču IMTEC d.o.o. Sarajevo, sa ponuđenom cijenom od 6.990,00 KM bez PDV-a, odnosno, 8.178,30 KM sa PDV-om

Izabrani ponuđač je u obavezi da u roku od 5 (pet) dana od dana prijema Odluke o izboru najpovoljnijeg ponuđača, dostavi Ugovornom organu dokumentaciju u skladu sa tenderskom dokumentacijom, tačkama 3.3. i 3.6. TD.

U postupku donošenja ove odluke, Direktor Agencije nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke. Ocijenjeno je da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, odlučeno je kao u dispozitivu.

Pouka o pravnom lijeku:

Protiv ove odluke može se izjaviti žalba, najkasnije u roku od 5 (pet) dana od dana prijema iste. Žalba se podnosi Uredu za razmatranje žalbi Bosne i Hercegovine, putem Ugovornog organa, u pisanoj formi, u najmanje tri primjerka.

Dostaviti:

- ponuđačima
- računovodstvu
- spis predmeta
- a/a



DIREKTOR

Refik Begić, magistar uprave